

Հ Ա Շ Վ Ե Տ Վ ՈՒ Թ Յ ՈՒ Ն

ՍԱՐԳԻՍ ՀԱՅՈՑՅԱԼՆԻ՝ ՄԵԾ ԲՐԻՏԱՆԻԱՅԻ ԵՎ ՀՅՈՒՍԻՍԱՅԻՆ ԻՌԼԱՆԴԻԱՅԻ
ՄԻԱՑՅԱԼ ԹԱԳԱՎՈՐՈՒԹՅՈՒՆ ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը

Սարգիս Հայոցյան

2. Զբաղեցրած պաշտոնը

Բարձրագույն կրթության և գիտության կոմիտեի նախագահ

3. Գործուղման վայրը և ժամկետները

Մեծ Բրիտանիայի և Հյուսիսային Իռլանդիայի Միացյալ Թագավորություն, ք. Լոնդոն,
19-22 մայիսի, 2024 թվական

4. Հրավիրող կողմը

Մեծ Բրիտանիայի և Հյուսիսային Իռլանդիայի Միացյալ Թագավորության կրթության
վարչություն

5. Գործուղման նպատակը (աշխատանքային որ խնդրի լուծման համար էր նախատեսված գործուղումը)

Մասնակցություն Կրթության համաշխարհային համաժողովին

6. Քննարկված թեմաները

1. Մասնակցություն Կրթության համաշխարհային համաժողովի
աշխատանքներին,
2. Հանդիպում Լոնդոնի համալսարանական քոլեջի ներկայացուցիչների հետ,
3. Ակադեմիական քաղաքի Կրթական կլաստերի ձևավորման նպատակով
համագործակցության զարգացման հնարավորության հարցի քննարկում:

7. Հանդիպումները, ելույթները, բարձրացված կամ քննարկված հարցերը

Մեծ Բրիտանիայի և Հյուսիսային Իռլանդիայի Միացյալ Թագավորություն
կատարած այցի շրջանակում Սարգիս Հայոցյանը մասնակցել է Կրթության
համաշխարհային համաժողովին, որը յուրաքանչյուր տարի համախմբում է տարբեր
մայրցամաքների կրթության նախարարներին, նրանց տեղակալներին,
խորհրդատուներին և պատվիրակություններին՝ քննարկելու ոլորտային հիմնական
խնդիրները, մարտահրավերները և ներկայացնելու դրանց լուծման
հնարավորությունները, փոխանակելու կրթության ոլորտում ձեռքբերված փորձն ու
ուսուցման մոտեցումները: Համաշխարհային կրթական համաժողովին այս տարի

մասնակցում են աշխարհի 114 երկրների շուրջ 120 ոլորտային նախարարներ: Այս տարի ֆորումն անցկացվել է «Խրախուսելով արհեստական բանականության ըմբռնումը, ստեղծելով մարդկային հարաբերություններ, ճկունություն և արագացնելով կլիմային ուղղված գործողությունները: Ս. Հայոցյանը մասնակցել է մի շարք թեմատիկ նստաշրջանների:

Մեծ Բրիտանիայի և Հյուսիսային Իռլանդիայի Միացյալ Թագավորություն կատարած այցի շրջանակում ՀՀ ԿԳՄՍ նախարար Ժաննա Անդրեասյանի հետ միասին Ս. Հայոցյանը հանդիպել Լոնդոնի համալսարանական քոլեջի ներկայացուցիչների հետ: Հանդիպմանը քննարկվել են «Ակադեմիական քաղաք» ծրագրի շրջանակում հնարավոր համագործակցությանն առնչվող մի շարք հարցեր, մասնավորապես՝ Լոնդոնի համալսարանական քոլեջի ներկայացուցիչների՝ Կրթական կլաստերի դիզայնի կոնցեպտի մշակման հետ կապված աշխատանքներում մասնակցություն ունենալու վերաբերյալ:

Ս. Հայոցյանը մասնակցել է Բրիտանական թանգարանի տնօրենի Ժամանակավոր պաշտոնակատար Մարկ Ջոնսի հետ կայացած հանդիպմանը: Հանդիպման ընթացքում քննարկվել են սեպտեմբերին Հայաստանի պատմության թանգարանում նախատեսվող «Մայր աստվածություն. Անահիտից Մարիամ» խորագրով համատեղ միջազգային ցուցադրության կազմակերպմանը վերաբերող հարցեր: Բրիտանական ազգային գրադարանում կայացած հանդիպման ընթացքում Ս. Հայոցյանը քննարկել է հնարավոր գիտական համագործակցությանն առնչվող հարցեր:

Ս. Հայոցյանը ծանոթության այց է կատարել նաև MicrosoftUK ընկերություն, ծանոթացել է ընկերության ծրագրերին, քննարկվել են համագործակցությանն առնչվող հնարավորությունները:

Ս. Հայոցյանը ՀՀ ԿԳՄՍ նախարար Ժաննա Անդրեասյանի հետ միասին հանդիպում են ունեցել նաև ՄԹ Որակի ապահովման գործակալության տնօրենության հետ:

Ց. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթեր

Լոնդոնի համալսարանական քոլեջի ղեկավարության հետ պայմանավորվածություն է ձեռք բերվել համագործակցության հիմնական ուղղությունների շուրջ, որոնք ներառում են Ակադեմիական քաղաքի Կրթական համալսարան կլաստերի մշակման, ինչպես նաև խոշորացված համալսարանների կառավարիչների վերապատրաստման հարցերը: Հանդիպմանը քննարկվել է նաև

խոշորացման գործընթացի բուն իրականացման հարցը, քանի որ Լոնդոնի համալսարանական քոլեջն անցել է խոշորացման գործընթաց, որին միավորվել են տարբեր հաստատություններ և հենց Կրթական ինստիտուտը: Նշվել է, որ բրիտանական կողմը կկիսվի այդ գործընթացի կազմակերպման իր փորձառությամբ և գործնական գիտելիքներով :

9. Առաջարկությունները, դրանց ընթացք տրալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Պայմանավորվածություն է ձեռք բերվել, որ Լոնդոնի համալսարանական քոլեջի ներկայացուցիչներն առաջիկայում կժամանեն Հայաստան, որի ընթացքում կստորագրվի համապատասխան հուշագիր. այն ներկայում վերջնականացման փուլում է:

Որակի ապահովման գործակալության տնօրենության հետ պայմանավորվածություն է ձեռք բերվել քննարկել կրթության ոլորտում որակի ապահովման ոլորտում համագործակցության հնարավոր տարբերակները և դրանց զարգացման հնարավորությունները:

10. Ստորագրությունը, ամսաթիվը

Սարգիս Հայրոցյան

27.05.2024թ.